



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 20 yanüari 2021

Sifra índise di preis pa konsumidó pa luna di desèmber 2020 i sifra di inflashon pa aña 2020

Desaroyo di preisnan pa konsumidó na Kòrsou pa luna di desèmber 2020

For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi levemente ku 0,1% na luna di desèmber kompará ku luna di novèmber 2020. E sifra di inflashon pa aña 2020 ta 2,2%.

Desaroyo di preis luna di desèmber 2020 kompará ku luna di novèmber 2020

E sifra índise di preis pa konsumidó (CPI, “Consumer Price Index”) di Kòrsou na luna di desèmber a subi ku 0.1% kompará ku luna di novèmber 2020. E la desaroyá di 136.5 na novèmber 2020 pa 136.7 na luna di desèmber 2020.


E kambionan di preis spesífiko ku mas a sobresalí durante luna di desèmber 2020 ta; a bira mas karu produktonan di kerosin (+4,8%), artíkulonan di kas (+1,8%), medionan di transporte (+1,6%), karni i piska (+1,4%), batata, berdura i fruta (+1,1%) i lo kual a bira mas barata ta gasolin (-7,5%), bezine (-1,7%) elektrisidat (-2,5%) i awa (-1,0%)

Desaroyo di preis luna di desèmber 2020 kompará ku luna di desèmber 2019 i sifra di inflashon pa aña 2020

E CPI di desèmber 2020 (136,7) ta 2,2 porshento mas haltu ku e CPI di desèmber 2019 (133,8). E sifranan aki ta indiká ku e nivel di preis pa konsumidó durante luna di novèmber 2020 ta 2,2% mas haltu kompará ku e mes un luna na 2019.

E kategorianan ku a kontribuí mas tantu na e subida aki ta bebida, sigaria, komestibel i salubridat.

Desaroyo di preis riba término largu: inflashon desèmber 2020



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku novèmber 2020 ku mes periodo un aña anterior, ta resultá ku preisnan na averahe a subi ku 2,2 porshento: e CPI promedio di 12 luna a desaroyá di 132,1 na desèmber 2019 pa 135,0 na desèmber 2020.